



SAMBAND ÍSLENSKRA SVEITARFÉLAGA

Samgöngu- og sveitarstjórnarráðuneytið
Sölvhólsögötu 7
101 Reykjavík

Reykjavík 15. júlí 2020
2007017SA GB
Málalýkill: 00.64

Efni: Umsögn um útfærslu nýrrar kerfiskennitölu skv. lögum nr. 140/2019, um skráningu einstaklinga – mál nr. 128/2020

Vísað er til tilkynningar í samráðsgátt stjórnarráðsins frá 3. júlí sl. þar sem óskað er eftir umsögnum um útfærslu nýrrar kerfiskennitölu. Kerfiskennitala er gefin út til erlendra ríkisborgara sem vegna sérstakra hagsmuna hér á landi þurfa á slíkri kennitölu að halda. Er um nýmæli að ræða en skráning og útgáfa kerfiskennitölu er það sem í daglegu tali hefur nefnst utangarðsskrá og verður sú orðnotkun lögð af.

Samkvæmt lögum nr. 140/2019 um skráningu einstaklinga eru kerfiskennitölur haldnar í sérstakri skrá. Við miðlun skal kerfiskennitölum haldið aðgreindum með sýnilegum hætti frá kennitölum einstaklinga. Til umsagnar eru þrjár mögulegar útfærslur aðgreinanlegra kerfiskennitala og eru listaðir upp helstu kostir og gallar við hverja útfærslu.

Að mati sambandsins ætti að horfa til möguleika i eða ii þar sem möguleiki iii er ekki langtímalausn og lítill aðgreinanleiki frá öðrum kennitölum. Útfærsla i veitir mestan aðgreinanleika en kallar á töluverðar kerfislegar breytingar meðan útfærsla ii kallar eingöngu á einhverjar kerfislegar breytingar. Báðar útfærslur eru taldar vera kostnaðarsamar og tímafrekar. Sé um sambærilegan kostnað og tíma að ræða liggur í augum uppi að velja útfærslu i sem hefur flesta kosti. Sé sú útfærsla hins vegar dýrari en útfærsla ii þykir rétt að meta hvort réttlætanlegt sé að leggja út í þann kostnað fyrir þann ávinning er útfærsla i hefur fram yfir útfærslu ii.

Virðingarfyllt

SAMBAND ÍSLENSKRA SVEITARFÉLAGA

Guðjón Bragason

sviðsstjóri lögfræði- og velferðarsviðs